

石琴廬詩集

談國禔署
第三冊



下編

詩存

石琴廬詩集

王東山



冰天行旅小敘
紀庚申冬
龍沙之序也
五泉宮



石琴廬詩集總目

詩存

卷一

紓卷集

六十首

卷二

塞雲別稿

三十四首

卷三

藥籠半稿

四十三首

卷四

種柳吟

一百一十二首

卷五

菊櫓新草

八十三首

卷六

晚晴集

七十八首

石琴廬詩存卷一

瀋陽張之漢仙舫

紓倦集 曷詠清歌發於暇豫非勞者事也然

插秧有歌戽水有歌以及築版緯船凡極勞

甚憊之役莫不身汗口沫而歌嗚嗚謂非以

歌能宣氣而紓倦耶頻年鞅掌餘事長吟彼

豈湯然余亦云爾命曰紓倦志無逸也

起壬子迄

已未

首夏赴東陵感成

人海幻滄桑青君去何處驅馬出東門榆錢飛滿

路路轉馬官橋遙遙見陵樹松柏鬱濃青吞吐盪
雲霧迤邐達寢園羸馬山椒駐石磴阻車輪拾級
行徒步罍衣藤蔓交避人驚禽翥神道矗豐碑鴻
文聖功著翁仲如驕人岸然貌殊倨石馬繡苔花
獅吼猙可怖禁門金鑰開圍城鐵甕鑄享殿峙隆
恩瞻拜生敬慕景運啟遼東宏規一統具弓劍瘞
橋山寶頂百靈護祖脈發長白分幹西南赴千里
龍蜿蜒到此昂頭住渾河東北來玉帶水縈互豐
沛翠華臨奠拜駐鸞輅仙仗擁千官冠履序鴈鷺

世變陵谷遷往事悵回顧華表鎖寒雲松楸自朝
暮今世無楊髡玉匣封永固亭林拜孝陵旦暮遇
或庶感此意恒懷欲去還猶豫礎潤知雨來四望
陰雲布搖山起悲風聲吼松濤怒

題前明逸老鄒衣白簡筆金山圖本 原題

江山眇然於茲信宿八字蓋滄桑後流寓
至此所作

滄江歸卧脫簪纓畫裏猶縈故國情似我勞勞成
底事披圖今日愧先生

樹色蒼茫連北固江聲鳴咽送南朝那堪佛榻孤
臣淚獨聽金山午夜潮

簪毫九殿拜天顏回首金門冷獸環剩有春明禿
管在蒼涼爲寫舊江山

偶揮墨瀋寫雲根都漬滄桑血淚痕玉帶空留蘇
玉局畫來豈是舊山門

王氣消沈早暮潮孤臣遺墨點金焦鴻泥未泯江
山影閱盡興亡已兩朝

塔影江流迹已陳銅駝遺恨又荆榛披圖騫觸新

亭感我亦滄桑歷劫人

日本詩人習城蓄堂遊中華名勝殆徧遼海
相逢索詩卽贈

故國櫻花夢陽關柳色春相逢遠遊客同是苦吟
身詩價雞林重年華鶴髮新海天猶汗漫何日息
征塵

窗外芭蕉爲風所折竟無一葉曉起悵然有
作

蕉天昨夜峭風生破葉披窗一翦平怪底五更殘

夢裏雨聲聽得不分明

綠揜文窗暈綺琴補天新葉漸成陰誰知竟被封
姨妬空展青雲一片心

王浣之大令被險出獄竟得更生殘臘相逢
貧無聊賴詩以慰之

百變風雲六月霜悲歌拔劍憶王郎千金揮手豪
情在五斗折腰宦夢涼禿管書空餘骯髒干將掘
獄尙光芒奇才不死天終佑莫把餘生託酒狂

浣之

素縱
酒

鬼火陰房忽脫身英雄末路一沾巾半生我亦憂
時客九死君爲再世人已斫頭顱仍大好頭骨被囚斧碎
尙留肝膽未全貧相逢漫灑窮途淚冰雪梅花氣
又春

習城歸國主東京詩社寄贈所編詩林賦此

寄懷

相逢遼海擘吟牋故國櫻花一舸旋三島煙雲摻
筆底九天珠玉落尊前虎溪曾送陶元亮習城東旋余置
酒萬泉河賦詩送別驢背難逢賈閬仙料得敲詩聳肩影滄

溟萬里月孤懸

和徐幼錚中將席間留別元韻

征驂停處草萋萋
鐵騎迎來萬轡齊
綺席歌翬么鳳舞
嚴城刁斗夜烏啼
墨磨盾鼻留鴻爪
環撫刀頭送馬蹏
料得紀程詩更好
曉風殘月過遼西

九秋遊北陵

橋山猶自屬皇家
秋冷來驅薄笨車
滯雨白雲低過樹
浣霜紅葉豔於花
銅駝荊棘年來感
石馬松楸日又斜
金盃玉魚空想像
西風林外噪寒鴉

晚秋赴安東道中望鳳凰城

恍入嘉陵道千峰畫裏看秋嵐青靄合陰洞黑風
寒嶺走五龍背山翹雙鳳翰嚴城資保障筦鑰控
三韓

架鐵今通軌連山昔築關幹龍來塞外翔鳳翥雲
間城近聞刁斗峰迴抱大環定遼三箭後誰唱凱
歌還

車行福金嶺石洞

鑿山開隧道神功施鬼斧架鐵穿萬山飛輪勢無

阻自入本溪境隧道指難數倏如水入竇旋如種
出土晦明秒忽間坦然無所苦鷄冠洞道深數里
如數武行行近福金巨嶺何嶇嶇洞口壘石成屹
如城半堵探險走站奴深入手火炬車役閉車窗
燈捻電光吐車身如長蛇蜿蜒入洞府此時車中
人如居蛇臟腑空氣遏不通呼吸蛙縮肚呵窗水
成珠外窺黝莫覩冥疑夜無星渾忘天方午騰颺
響陰風森寒栗兩股車背滴水聲巖竇溜鍾乳心
想懸豹巖未必支鼇柱深懼車震顛石崩前路杜

屏息神鬼驚猛進機輪鼓一綫見清光漆室倏通
戶箭激洞口穿車尾黑煙扈如度馬陵峽疾驅避
萬弩又如脫鴻門回首穴離虎重覩天蔚藍各舒
身棘楚茲洞幾深長惜無記里鼓探懷看時鍼表
度一刻五前行入坦途千峰青沐雨一路對車窗
看山如畫譜

秋夕登樓望鴨綠江

秋高橫笛處日暮倚樓情一水憑天塹千帆落畫
楹潮迴龍窟冷月出蜺窗明不盡茫茫感江流夜

有聲

大江東去浪淘盡幾英雄折戟沙塢沒飛橋鐵軌
通星翻一天水潮捲萬山風千里來龍遠鴻溝畫
掌中

安東元寶山晚眺

即紫金山

萬木蕭蕭一徑蟠紫金山色湧林巒耳邊風笛欄
前聽眼底雲帆鏡裏看綫軌西來銷鐵鎖大江東
走去銀瀾番樓華閣鐙齊上銅柱消沈劫火寒

歸車夜入瀋陽站

參差樓閣電珠開
雲影宵光亘站臺
穩度飛輪身未覺
眼中鎗火萬星來

牧牛詞 下鄉省田即事作

大兒出力田次兒勤治圃
小兒八九齡憨跳赤雙
跣農舍無閒丁牧牛是其務
老翁喚小兒牧草肥
可茹穿鼻牽老特黃犢
隨步步迤邐渡溪灣
牛腰跨牧孺黃犢貪飲泉
遲迴不肯渡老特行在前
一步一回顧牧兒怒施鞭
回顧又幾度因悟母子情
置鞭釋其怒爲喚黃犢來
銜尾南山赴坡陀草如